



- SENAT –

Broj: 01-35-33/19

Sarajevo, 27. 11. 2019. godine

Na osnovu člana 130. Zakona o visokom obrazovanju („Službene novine Kantona Sarajevo“, broj: 33/17) i člana 59. Statuta Univerziteta u Sarajevu, razmatrajući Inicijativu Zajednice hrvatskih studenata „Pleter“, broj: 71/19 od 26. 11. 2019. godine, Senat je na 36. redovnoj sjednici održanoj 27. 11. 2019. godine, iskazujući trajno opredjeljenje za poštivanje temeljnih ljudskih prava i sloboda, donio slijedeću

PREPORUKU

1. Senat Univerziteta u Sarajevu preporučuje organizacionim jedinicama Univerziteta u Sarajevu da u dane 24, 25. i 26. 12. 2019. godine oslobode nastave i obaveza studente koji obilježavaju katolički Božić, kako bi mogli provesti blagdane sa svojim porodicama, a vodeći računa da preko 40% studenata Univerziteta u Sarajevu dolazi van Kantona Sarajevo.
2. Senat Univerziteta u Sarajevu još jednom podsjeća fakultete i akademije na donesenu Preporuku o neodržavanju nastave i ispitnih rokova u terminima centralnih sedmičnih molitvi (Preporuka Senata broj: 01-5041/16 od 28. 12. 2016. godine).

REKTOR

Prof. dr. Rifat Škrijelj



Dostavljeno:

- Zajednici hrvatskih studenata „Pleter“ – Zmaja od Bosne 86, Sarajevo
- Organizacionim jedinicama/članovima Senata UNSA
- Službi za nastavu UNSA
- u dokumentaciju Senata
- Arhivi



- SENAT -

Broj: 01-8041/16

Sarajevo, 28. 12. 2016. godine

Na osnovu člana 56. Statuta Univerziteta u Sarajevu, a u skladu sa inicijativom Studentskog parlamenta Univerziteta u Sarajevu o neodržavanju predavanja i ispitnih rokova na fakultetima i akademijama Univerziteta u Sarajevu u terminima centralnih sedmičnih molitvi pripadnika islamske, katoličke i pravoslavne vjeroispovijesti, kao i ostalih vjerskih zajednica, Senat je na 3. sjednici održanoj 28. 12. 2016. godine, d o n i o slijedeću

PREPORUKU

S ciljem poštivanja ljudskih prava i sloboda pripadnika svih vjerskih zajednica, pri planiranju studijske godine, vodit će se računa o terminima centralnih sedmičnih molitvi pripadnika islamske, katoličke i pravoslavne vjeroispovijesti, kao i ostalih vjerskih zajednica.

Preporučuje se organizacionim jedinicama Univerziteta u Sarajevu, da u pripremi akademskog kalendara, te drugih dokumenata koji uređuju plan i program, aktivnosti, izvođenje nastave i ispita, a uvažavajući pravo studenata, nastavnog i nenastavnog osoblja islamske vjeroispovijesti koji studiraju, rade i djeluju pri Univerzitetu u Sarajevu, te drugih javnih događaja koji uključuju šire grupe studenata, a predstavljaju fakultativni ili obavezujući dio akademskog rada, usavršavanja i obrazovanja, vode računa da ne zakazuju akademske obaveze petkom i to: od 11:45 do 13:00 sati u periodu zimskog računanja vremena, odnosno od 12:45 do 14:00 sati u periodu ljetnog računanja vremena.

Preporučuje se organizacionim jedinicama i nastavnom osoblju da u slučaju zakazivanja obaveza u dane vikenda, vode računa o terminima centralnih sedmičnih molitvi pripadnika katoličke i pravoslavne vjeroispovijesti, kao i ostalih vjerskih zajednica, te da u tim terminima ne zakazuju akademske obaveze.

Studentski parlament Univerziteta u Sarajevu i Univerzitet u Sarajevu, kao institucije utemeljene na univerzalnim vrijednostima, iskazuju trajno opredjeljenje za poštivanje svih ljudskih prava, ravnopravnost i borbu protiv svih oblika diskriminacije.

REKTOR

Prof. dr. Rifat Skrijelj

Dostavljeno:

- Organizacionim jedinicama UNSA
- SPUS-a
- U dokumentaciju Senata
- Arhivi